

(ciep banj 11)

(25) Gyalæg gajgwz aen diji vaimou. Gyarengz hawj mouyiz cwnqcz caeuq caizsui, ginhyungz, canjyez cwnqcz doxboiq doxhab, dajcauh aen diji aeu cidu daemxcengj caeuq aeu cwnqcz haeucoengh hawj mouyiz ak guek, gyavaiq gyonjgyoeb gajgwz gij mouyiz doiq ndaw doiq rog, haeusim wngqdoiq aen byaijiengq mouyiz cienj yungh soqcih, baenz loegsaek. Doicaenh cauhoq gamguenj doenggvn, suivu, vaivei daengj, cau ok aen cidu vanzging ndeileih hwnqfat yezdai moq vunqsik moq. Cauhoq hwnqfat yiengh mouyiz soqcih, doicaenh hwnqguh aen diegsawq gyonjhab densangh hamj gyaiq. Hwnqguh aen cunqsim gaicawx daihbuek sanghbinj, hwnqguh aen cunqsim comz-sang faenbued gaep seiqgyaiq, haeucoengh gak loih cawjdaej miz bouhloh youq rog guek baijbouh gij sezsih riuzdoeng, haeucoengh giz dieg miz diuzgen de hwnqguh aen cotsim cunqsim guh vuzliuz daengx seiqgyaiq caeuq aen cotsim boiqceiq daihbuek sanghbinj shwyenz. Laebcaez aen gihci fuengzre gaemhanh fungyiemj mouyiz, laebndei aen diji gamguenj cuzgouj caeuq aen cidu yiengh mouyiz gouqcaeq.

Cauhoq daezswng yiengh mouyiz fugsah, cienzmienh saedhengz mbawdan gimq haeu yiengh mouyiz fugsah hamj gyaiq, doicaenh gyoebhab sawqdiemj guh yienghndei gya' gvangq hailangh hangzfugsah, gujli aen gihgou cienmonz guh fugsah gyaak bonjsah fugsah daengx seiqgyaiq. Gyavaiq doicaenh hwnqfat yiengh mouyiz lizhamq, haiguh gij yezvu gozci mouyiz lizhamq yienghmoq. Laebhwnj laebcaez aen diji fugsah ginhyungz hamj gyaiq, gunghawj gij canjbinj caeuq fugsah ginhyungz engq lai.

(26) Gyalæg gajgwz aen diji guenlleix canghseng' eiq guekrog douzsw h caeuq doiq rog douzsw. Dajcauh aen vanzging guh seng' eiq maenhndei hab hawciengz, hab fapceih, hab gozci aeuyungh haenx, ciuqfap baujhoh gij gienzik douzsw canghseng' eiq guekrog. Gyalai aen moegloeg canjniel gujli canghseng' eiq guekrog douzsw, hableix sukgemj mbawdan gimqhaed shwbwnj guekrog cinjhaeu, doeksaed doengh gij banhfap cienzmienh siubae gij hanhhaed cinjhawj shwbwnj guekrog haeu ndaw lingjyiz hangzdajcauh, doidoengh densin, hulenzvangj, gyauyuz, vwnzva, yihliuz doengh gij lingjyiz neix miz bouhloh bae gyadaih hailangh. Gyalæg gajgwz gij diji gihci coicaenh canghseng' eiq guekrog douzsw, baujcamg gij giyez guekrog okbonj haenx youq aeundaej yausu, cinjhawj shwciz, ceiqlingh biucinj, cwnqfuj dajcawx daengj fuengmienh yiengjmiz dakdaih guekminz, haeucoengh camgya duenhgwnz duenhlaj diuzlien h canjniel boiqdaug gapguh. Laebndei aen cidu fuengbienh vunz guekrog haeu gyaiq daeu youq, ywbingh, ceihawj daengj. Laebndei gij diji gihci coicaenh caeuq baujcamg doiq rog douzsw, laebcienz aen diji guenlleix fugsah doiq rog douzsw, doidoengh diuzlien h canjniel diuzlien gunghawj caeuq guek wng gapguh.

(27) Gajndei gij baijbouh ranghdiel hailangh. Gyamaenh aen diegvih dieg henzhaij baihdoung dazroen sien hailangh, hawj dieg cunqgyang dieg baihsae caeuq dieg doengbaek engq hailangh, gyavaiq cauxbaenz yiengh gvaengxyaq cienzmienh hailangh dwg diegndaw dieghaij ndaw rog lienz-doengh, baihdoung baihsae suengyiengq doxbang doxbouj. Langh ok gijmaenh henzhaij, henzguek, henzdah caeuq doengh giz roengoeck, hawj gij goengnaengz faengoeng ranghdiel hailangh bienq ndei, dajcauh giz diegsang hailangh lai cunj lai yiengh. Hengzguh aen canloz daezswng giz sawqguh swyouz mouyiz, haenchoi rox cauhaeu, comzgyonj bae damqra. Gyavaiq hwnqguh Haijnanz Swyouz Mouyiz Gangj.

Langh ok gijndei aen cidu "aen guekgya ndeu song cunj cidu", gyamaenh daezswng aen diegvih Yanghgangj dwg giz cunqsim gozci ginhyungz, hangzyin, mouyiz haenx, haeucoengh Yanghgangj, Aumwnz dajcauh giz diegsang gyonjcomz vunzcaiz gaepsang gwnz seiqgyaiq, laebcaez aen gihci hawj Yanghgangj, Aumwnz youq guekgya doiq rog hailangh ndawde ndaej engq ndei langh ok goengrengz. Gyalæg Yez Gangj Au Davanhgih doxgap, gyarengz guh gveihcwz hamzciep, gihci doiqciep. Laebndei gij cidu caeuq cwnqcz hawj song hamq ginghci vwnzva doxhag doxgap, hawj song hamq lailai yungzhab hwnqfat.

(28) Laebndei aen gihci doicaenh caetliengh sang bae caezlaeb "it rangh it loh". Laebdaeb hengzguh aen giva gvendaengz gij yienghsah gohgi cauhoq "it rangh it loh", lai yunghrengz laebguh aen bingzdaiz hawj lai mbiengj doxgap guh gij hongsaeh loegsaek fazcanj, yiengh ginghci soqcih, yinzgungh cinwngz, nwnqzyenz, suisouh, ginhyungz, gemj cai daengj. Guhndei dieghawq gwnzhaij gwnzmbwn gwnzvangj itcaez baijbouh, cauhaeb aen vangiloz "it rangh it loh" seiqlengq doxlien z doxdoeng. Caemhcaez doihaeu gij gunghcwnqz hungnaek baenz biugeiq haenx caeuq gij hanghmoeg minzswng "iq youh ndei" haenx.

Bet, Laebcaez Aen Cidu Dijhi Yiengh Yinzminz Minzcuj Ronzdoeng Goekbyai

Fazcanj yiengh yinzminz minzcuj ronzdoeng goekbyai dwg gij yendaiva yiengh Cungguek itdingh aeu baenzneix guh. Bietdingh aeu byaijdingh diuz roen cwnqci fazcanj yiengh sevei cuji miz gij daegsaek Cungguek, hengzdingh caeuq laebndei gij cwnqci cidu gaenbonj, gij cwnqci cidu giekbong, gij cwnqci cidu youqgaenj guek raeuz, fungfouq gij minzcuj hingzsih gak caengzgaep, dawz yinzminz danggya guhcawj caensaed, saedcaih guh haeu daengz guekgya cwnqci swngghoz caeuq sevei swngghoz gak aen fuengmienh bae.

(29) Gyarengz laebguh aen cidu yinzminz danggya guhcawj. Dawz ndei, guh ndei, yungh ndei aen cidu yinzminz daiyauj daihhoih. Laebcaez gij cidu yinzda gamduk hingzcnwng gihgvanh, genhcaz gihgvanh, saemjbuengq gihgvanh, genjcaz gihgvanh, caezcienz aen fap gamduk caeuq gij gihci saedhengz de, lai haeujrengz gamduk yinzda saemjcaz yawhsuenq gietsuenq caeuq gamduk shwcany guekmiz guenlleix, ngaenzcaiq cwnqfuj guenlleix. Laebcaez gij lwnhsah gveihcwz yinzda caeuq gij cidu lwnhcingq, bingzguj, bingzngex, dingqcingq. Gyalai gij neiyungz caeuq hingzsih yinzda daiyauj lienzhaeh yinzminz ginzcnung. Laebcaez gij gihci supsou yigen yinzminz, gyonjcomz dungxcaiz yinzminz. Lailai baengh rengz gunghvei, gungcinghdonz, fulenz daengj ginzdonz cujci z dangq diuzgiuz diuzsai bae lienzhaeh fugsah ginzcnung.

(30) Laebcaez gij gihci yiengh minzcuj doxyaeng. Langh ok gij rengz yinzminz cwnqhez dangguh aen gihgou cienmonz doxyaeng, laebcaez gij gihci haeujlaeg doxyaeng doxdoengh, yigen ndaej lailai gangjok, gietcomz gij nyinhrox doxdoengz engq lai, lai roengzrengz laeb ndei aen gihci yinzminz cwnqhez fanjyingj cingzgvang ndawbiengz sim' eiq beksingq, lienzhaeh ginzcnung, fugsah yinzminz. Laeb caezcienz aen gihci yinzminz cwnqhez guh minzcuj gamduk.

Laebndei aen diji yiengh minzcuj doxyaeng, lai dem gij fuengsik doxyaeng, laebcaez aen bingzdaiz hawj cwnqdingj doxyaeng, yinzda doxyaeng, cwnqfuj doxyaeng, cwnqhez doxyaeng, yinzminz donzdij doxyaeng, gihcwnqz doxyaeng caeuq sevei cujci z doxyaeng baenz cidu bae, gyaak

hawj gak cunj miengloh doxyaeng doxcaez boiqhab. Laebcaez gij gihci doeksaed yiengh guhfap youq caengz guh gezcwz caeuq mwh hengz gezcwz aeu miz doxyaeng, laebndei aen gihci aeuyungh, doeksaed, hoizdaug gij cwnqzgoj doxyaeng.

(31) Laebcaez gij cidu gihcwnqz minzcuj. Laebcaez gij gihci gihcwnqz ginzcnung gagguenj youz gihcwnqz dangjucjiz lingjdaug haenx, caezcienz gij cidu diji caeuq gunghcoz diji gihcwnqz minzcuj, haigvangq gij roenloh hawj gihcwnqz gak loih cujci z caeuq ginzcnung miz bouhloh bae camgya gihcwnqz ceihleix. Laebndei aen cidu banhsaeh goenghai. Laebcaez gij cidu giyez swyez danhvei minzcuj guenlleix aeu cizgungh daiyauj daihhoih guh gihbwnj hingzsih haenx, laebndei gij guhfap ndeiyungh giyez cizgungh camgya guenlleix.

(32) Laebndei aen gvaengxyaq guh hong daih dungjan. Laebndei gij cwnqcz guhfap ndaej hawj dungjyiz cansen dawzok yiengh cwnqci cozyung gietcomz simvunz, gyonjcomz rengzvunz de. Dawz ndei, guh ndei, caezcienz ndei aen cidu cwnqdingj yienghmoq Cungguek. Engq ndei langh rengz gyoengq vunz rog Dangj, laebcaez gij cidu guhndei aendoih gyoengq daiyauj rog Dangj. Ceiqdingh aen fap coicaenh minzcuz doxgiet baenaj, laebcaez gij cidu gihci couqmaenh yiengh eiqsik caezcaemh Cunghvaz Minzcuz, hawj Cunghvaz Minzcuz engqgya sim caez rengz comz. Baenzroix bae doihaeu gij cunghgyau guek raeuz habngamj guekcingz Cungguek, lai roengzrengz ciuq fap guenlleix hongsaeh cunghgyau. Laebndei aen gihci aeu cwnqci dazyinx gyoengq cihsiz fwswj rog Dangj caeuq gyoengq vunz sevei gaihcnwngz moq. Cienzmienh cauhaeb yiengh gvanhaeh cwnqfuj caeuq canghseng' eiq youh gyawj youh seuq, laebcaez aen gunghcoz gihci hawj gij ginghci mbouj dwg gunghyoujci de cangqheiq fatmaj, doengh boux guh gij ginghci mbouj dwg gunghyoujci de cangqheiq hungmaj. Laebndei aen gihci guh hongsaeh Gangj Au Daiz caeuq vazgyauz.

Gouj, Laebndei Aen Fapceih Dijhi Sevei Cuji Miz Gij Daegsaek Cungguek

Fapceih dwg gij baujcamg youqgaenj guh baenz gij yendaiva yiengh Cungguek. Itdingh aeu cienzmienh gvancez saedhengz Yenfaz, henhoj gij gienzvi Yenfaz, gapdoi h doicaenh gajgwz gak aen hothoh ndaw laebfap, caepfap, dawzfap, soujap, laebcaez aen gihci bauj hawj dangqnaj faplwd bouxboux bingzdaengj, hwnqgienz gij fapceih cingsaenz sevei cuji, henhoj sevei goengbingz cingqngex, cienzmienh doicaenh guekgya gak yiengh hongsaeh ciuqfap daeu guenj.

(33) Gyalæg gajgwz aen lingjyiz laebfap. Laebndei aen faplwd diji sevei cuji miz gij daegsaek Cungguek aeu Yenfaz guh goek haenx, laebcaez aen cidu diji baujcnwng Yenfaz ndaej cienzmienh saedhengz, laebhwnj aen cidu baugau gij cingzgvang saedhengz Yenfaz. Laebndei gaiq hong laebfap youz dangjvei lingjdaug, yinzda cujdaug, cwnqfuj dakbaengh, gak fueng camgya. Doengbuenz maeuzveh dinghlaeb, coihgaij, feiqcawz, cekgej, biensij faplwd, gyarengz cimdoi aen lingjyiz cunqdenj, aen lingjyiz ngamq hwnq, aen lingjyiz nangq daengz guekrog laebfap, laebndei aen cidu saemjcaz hab mbouj hab Yenfaz, saemjcaz bwh' anq, hawj laebfap guh ndaej engq ndei. Damqra ranghdiel gapdoi h laebfap. Laebcaez gij gihci fapgi ndaw Dangj caeuq faplwd fapgi guekgya doxciep doxha. Hwnqguh aen saenqsih bingzdaiz faplwd fapgi caeuq vwnzgen gveihfan daengx guek doengzcaemh.

(cienj banj 13)